

Laerskool Villieria

Telefoon: 012 331 1100
012 330 0110
Faks: 012 331 4916
E-pos: villiesskool@icon.co.za



Posbus 31520
Totiusdal
0134

Ben Swartstraat
Villieria
Pretoria
0186

16 Februarie 2024

Geagte ouers/voogde

NUUSBRIEF 6/2024

NUWE-/BELANGRIKE BOODSKAPPE

LAERSKOOL VILLIERIA BEHEERLIGGAAMVERKIESING 2024

Soos per Nuusbrief 5/2024, die volgende rakende die komende Beheerliggaamverkiesing.

- **Inligting**
 - ✓ Formaat: Voldagverkiesing
 - ✓ Datum: Maandag, 4 Maart 2024
 - ✓ Tyd: 6:00 – 18:00
 - ✓ Stemplokaal: Metodiste kerk se saal (H/v 29ste Laan en Ben Swartstraat)
 - ✓ Ingang: 29ste Laan
 - ✓ Alle ouers/voogde ontvang Donderdag, 29 Februarie 2024 'n skakel per e-pos om te sien vir wie om te stem. Daar sal ook plakate by die skool en Methodiste kerk opgesit word.
- **Nominasieproses**
 - ✓ Nominant kom haal 'n nominasievorm by die adminkantoor vanaf Vrydag, 23 Februarie 2024.
 - ✓ Kry sekondant om saam te onderteken en kry kandidaat om te voltooi, asook te teken.
 - ✓ Handig in voor of op Woensdag, 28 Februarie 2024 (12:00).
- **Wat verlang word vanaf kandidate na nominasie:**
 - ✓ Foto by adminkantoor geneem voor of op Woensdag, 28 Februarie 2024 (12:00).
 - ✓ Na afloop van die foto's, ontvang elke nominant 'n skakel na die Google-vorm om die volgende te voltooi en terug te stuur na die skool.
 - Volle naam en van.
 - Naam, van en grade van leerders.
 - Beroep/Vaardighede wat die skool van hulp kan wees.
 - Visie vir skool.
 - Betrokkenheid by skool.
- **Belangrikheid van deelname aan die Beheerliggaamverkiesing**
 - ✓ Ek dink ons almal weet teen hierdie tyd hoe uiters belangrik die rol van 'n Beheerliggaam in ons skole is.
 - ✓ Betrokke ouers/voogde sorg vir suksesvolle skole.
 - ✓ 'n Skool se Beheerliggaam sorg vir bykomende befondsing om die skool op te knap en te verbeter.
 - ✓ 'n Beheerliggaam beskerm leerders sowel as personeel en ouers se belange in die skool.
 - ✓ Hul verseker dat leerders gehalte onderrig ontvang.

- ✓ Die Beheerliggaam is ook verantwoordelik vir die skool se gedragskode en verskeie beleide van die skool.
- ✓ Die groot uitdaging bly goeie deelname vanaf die ouergemeenskap sodat ons die kworum van ten minste 255 ouerstemme kan haal. Daarom vra ons vriendelik dat u asseblief moeite sal doen om te stem.
- ✓ Hoe meer ouers stem, hoe sterker is die skool se Beheerliggaamposisie gedurende die volgende drie jaar.

FOTO'S

- **Individuele foto's**
Alle fotobestellings moet voor of op Dinsdag, 12 Maart 2024 by die registeronderwysers inbetaal wees. Maak asseblief seker die korrekte bedrag word in die koevert geplaas.
- **Atletiefoto**
Atlete kan die atletiefoto bestel en betaal by juffrou Noenkie van Staden teen R50 elk.

AKADEMIE (Graad 4 – 7)

Soos reeds per Omsendbrief 1/2024 (25 Januarie 2024) aan alle ouers/voogde ge-epos, hier is die Toetsrooster weer vir kwartaal 1.

DATUM	GRAAD 4 – 6	GRAAD 7
20 Februarie 2024	Engels	Engels
21 Februarie 2024	Afrikaans	Afrikaans
22 Februarie 2024	Wiskunde	Wiskunde
27 Februarie 2024	Nw/Teg	NW
29 Februarie 2024	SW (Ges)	EBW
5 Maart 2024	SW (Geo)	SW (Ges en Geo)

VILLIES OPEDAG

En hier is die volgende lewensbelangrike datum vir alle voornemende graad R- en graad 1-Villies leerders vir 2025. **Saterdag, 9 Maart 2024 (9:00 – 11:00)**. Maak seker jou kollega, buurmense, familie en vriende neem kennis. Hou ons Nuusbriewe dop en maak seker alle voornemende Villies bly ingelig.

KULTUUR

- **Massa-Revue**
Ons is baie opgewonde om u mee te deel dat ons in 2024 'n massa-revuefees gaan hou. Leerders sal 'n skrywe ontvang met al die nodige inligting. Oefening sal gedurende skooltyd plaasvind om die meerderheid leerders die geleentheid te gee om deel te neem. Motiveer asseblief u kind(ers) om deel te wees van hierdie geleentheid. Deelname is egter nie verpligtend, **maar onthou**, 'n betrokke leerder is egter 'n gelukkige leerder.

SPORT

- **Hekkies (Afrigting)**
Kontak asseblief mev. Myrtle Grobler by 0828201989 vir navrae en meer inligting rakende hekkies. Afrigting/oefening vind plaas by Hoërskool Oos-Moot.

- **Fietsry**

Indien jy enigsins al die gevoel gekry het dat jy tog jou kind vir 'n slag van die rusbank af wil kry, hier is jou kans. Laerskool Villieria is geaffilieer by Gauteng-Noord Skole Fietsry.

'n Laerskool Villieria gazebo sal sigbaar wees by die byeenkomste vir leerders en/of ouers wat navrae het of somer net 'n draai daar wil maak.

Vir alle fietsry navrae, kontak mnr. Dewald van der Merwe – 0605199342.

Sien onderstaande advertensie vir alle nodige inligting om in te skryf vir die opkomende byeenkomste.

- **Hengel**

Goedkeuring is verleen, soos met fietsry, dat belangstellende leerders van ons skool by hierdie aktiwiteit betrokke kan raak en onder ons skool se naam mag deelneem. Of u kind(ers) al vis gevang het of nie, alle leerders is welkom. Hierdie aktiwiteit funksioneer heeltemal op sy eie. Geen personeel van ons skool is betrokke nie.

Kontak asseblief vir mnr. Nico Stapelberg by 0609240851 of stapelberg911@gmail.com

Leerders wie Provinsiale- en/of Nasionale Kleure verwerf, sal wel tydens ons weeklikse saalopening erkenning kry en mag soos enige ander prestasie op Vrydae hul Provinsiale en/of Nasionale Kleure skool toe aantrek.

- **Rugby**

- **Bulletjierugby (Graad R- tot 2-seuns)**

Betrokke ouers/voogde kan nou die seisoengeld betaal van R430.00. Betaling vir die Bulletjieseisoen sal gehêf word op u skoolgeldrekening. Alle betalings word slegs by die finansiële kantoor gedoen, of per EFT-betaling waarvan die verwysingsnommer as volg is: U familiekode met die woord "Bul."

Vir enige verdere inligting, kontak mnr. Johan Basson by 0827785800.

Oefentye vir die komende week:

- ✓ Maandag 17:00 – 18:00
- ✓ Woensdag 17:00 – 18:00

- **Seuns o/9 – o/13**

Oefentye vir die komende week:

- | | | |
|-------------|-------------|---------------|
| ✓ Maandag | o/9 en o/10 | 15:00 – 16:00 |
| | o/11 – o/13 | 16:00 – 17:00 |
| ✓ Dinsdag | o/9 en o/10 | 14:00 – 15:30 |
| | o/11 – o/13 | 15:30 – 17:00 |
| ✓ Donderdag | o/9 en o/10 | 14:00 – 15:30 |
| | o/11 – o/13 | 15:30 – 17:00 |

- **Netbal**

- **Dogters o/10 – o/13**

- ✓ **Netbalrokkies**

Die dogters wat nie 'n netbalrokkie bestel het teen gister nie, kan nog bestel, maar ons verskaffers kan nie waarborg dat dit betyds reg sal wees vir ons eerste vriendskaplike wedstryd, Donderdag, 29 Februarie 2024 nie. Die dogters wie nie betyds 'n rokkie kry nie, kan dan net in hul Villiesbroek en -hemp daardie dag speel.

Ons vra vriendelik indien daar dalk dogters is wat laas jaar 'n netbalrokkie gehad het wat nou te klein is, of jul dit aan die skool kan skenk sodat ons dit weer kan herverkoop teen afslagpryse. Die rokkies kan by ons Villies Hub ingehandig word.

Die kostes van die netbalrokkies is as volg:

GROOTTES	BEDRAG
16 – 28	R204.00
30 (XS) – 36 (L)	R215.00
38 (XL)	R231.00
40 (XXL)	R253.00

✓ Netbalkouse/Villieskouse

Dogters speel slegs in wit Villieskouse. Dit is beskikbaar by ons Villies Hub teen R50 – R60.

✓ Oefentye vir die komende week:

A- en B-spanne

Dinsdag 14:00 – 15:30

(Daar is ongelukkig nie Donderdag oefening nie, aangesien al die afrigters by 'n netbal werkswinkel betrokke is).

C-spanne

Dinsdag 15:00 – 16:00

Donderdag 14:00 – 15:00

• **Atletiek**

Wat 'n dag in die Villie se lewe. Ons atletiekspan het tweede plek behaal uit twaalf skole by die Clusterbyeenkoms van Dinsdag, 13 Februarie 2024.

Drie en twintig atlete met vyf en dertig items gaan deelneem aan die Distriksbyeenkoms wat plaasvind op Maandag, 26 Februarie 2024. Hierdie atlete sal meer inligting ontvang. Neem wel kennis dat ouers/voogde nie op die veld toegelaat sal word tydens die byeenkoms nie, aangesien u kind gediskwalifiseer sal word. Dit is nie Laerskool Villieria se reël nie. Ons vra vir u samewerking in hierdie verband.

Hierdie Distriksatlete moet asseblief by die oefening uitkom. **Geen ouer/persoon mag by die skool afrig terwyl die skool se onderwysers besig is om af te rig nie. Ons gaan u vra om die oefening te verlaat.** Atlete wie privaat afrigting kry, hoef nie by die skool se oefeninge aan te sluit nie.

Atlete neem deel in die volgende drag alleenlik:

- ✓ Villiesdrag, of
- ✓ Afmou villieshemp, of
- ✓ Villies ski-pant (beskikbaar by Villies-klerehub).

Oefentye vir die komende week:

DAG	TYD	o/9 – o/13	o/10 – o/13	o/10 – o/13	o/10 – o/13	o/12 – o/13
Maandag	13:45 – 14:30	Naelope en Middelafstande	Gewigstoot	Hoogspring	Verspring	
	14:30 – 15:15					Diskus en Spiesgooi
Woensdag	13:45 – 14:30	Naelope en Middelafstande	Gewigstoot	Hoogspring	Verspring	
	14:30 – 15:15					Diskus en Spiesgooi

HERHALENDE BOODSKAPPE

PARKERING

As hoof van Laerskool Villieria, vra ek asseblief elke ouer/voog se volgehoue samewerking met die volgende. Ek het verskeie klagtes ontvang vanaf omliggende inwoners rakende ouers/voogde wat parkering aanbetref tydens af- en oplaai van leerders voor- en na skool, asook tydens byeenkomste en geleenthede by die skool. Kan ek van u vra om asseblief nie voor- of gedeeltelik voor mense se ingangshekke te parkeer nie. Mense wat dringend in- en uit hul erf moet ry, word dan verhinder om dit te doen of bemoeilik. Indien 'n inwoner u vra om u voertuig te verwyder vanaf hul eiendom, respekteer dit asseblief en stop elders. Die skool streef nog altyd na 'n goeie gesindheid teenoor ons inwoners.

SKOOLDRAG

'n Groot versoek vir elke ouerhuis, kom ons wakker weer daardie regte ou dae trots aan.

- ✓ Villiesdrag slegs op Vrydae, en op die dag wat die leerder LO-fisies het.
- ✓ Slegs swart skoolskoene saam met grys hemp en grys broek (of kaalvoet), en nie tekkies nie.

Sien asseblief bladsy 19 van u kind se leerderdagboek.

GRAAD 6- EN 7-OPVOEDKUNDIGE TOER (Veldskool)

Alle graad 6- en 7-leerders het Dinsdag, 30 Januarie 2024 briewe ontvang rakende hul opvoedkundige toer gedurende Oktober 2024. Neem vroegtydig kennis van die betalingsopsies. Indien EFT-betalings, wees seker u maak gebruik van u familiekode en die woord "Veldskool" as verwysing.

OUERTOEGANG TOT DIE SKOOLTERREIN

Ons vra vriendelik vir ouers/voogde se samewerking in hierdie verband ter wille van ons leerders se veiligheid. Toegang kan SLEGS verkry word deur aan te meld by die kantoorhekkie in Ben Swartstraat. Geen persoon sal toegelaat word om die skoolterrein te betree by enige ander ingang nie. Ingang by die kantoorhek is beskikbaar Maandae – Donderdae (7:00 – 14:15) en Vrydae (7:00 – 13:45).

VERDAAGTYE

Graad R- tot 7-leerders se verdaagtye (Maandae tot Vrydae) is as volg:

- Graad R – 2 13:00
- Graad 3 – 7 13:30

Indien daar 'n verandering aan 'n spesieke dag se verdaagtyd is, sal dit vroegtydig aan u deurgegee word.

BOUPROJEK


Dis kwartaal een van 2024, en ons het kwartaal vier van 2023 en kwartaal een van 2024, geormerk vir enige inisiatiewe, kontakte, asook kontantbydraes deur middel van ons Villies Boufondsvorms (koop-'n-steen, koop-'n-muur). Nuwe klasse moet aangebou word. Kontantbydraes en EFT-betalings vir die bouprojek word deur u kind se Villies Boufondsvorm gedoen en direk by die skool inbetaal.

Die redes vir ons genoemde Villies Bouprojek is om nuwe klasse aan te bou vir kwaliteit onderrig vir ons leerders:


- Graad 1 en 2 – Nou vyf klasse, waarvan een klas in ons buurkerkgebou gehuisves word;
- Graad 5 – Voogklas, asook Engels hou skool tans in die skoolsaal.

Kontak asseblief ons projekteier (ouer van die skool), meneer L.W. van der Merwe vir moontlike kontakte en/of inisiatiewe by lwvdmerwe@mediplanarch.co.za

GEDAGTE VIR DIE WEEK



Villiesgroete


DP HAASBROEK
HOOF

SIEN ADVERTENSIE OP VOLGENDE BLADSY

GAUTENG SCHOOLS CYCLING

DATES 2024

GAUTENG SCHOOL SERIES

PRIMARY SCHOOLS

Event #1	24 February	Hazeldean Valley Farm
Skills #1	9 March	Grootfontein MTB Park
Skills #2	6 April	Hazeldean Valley Farm
Event #2	11 May	Prime View Adventure & Leisure
Event #3	1 June	Die Bosveld
Event #4	3 August	Steyn City
Event #5	24 August	Grootfontein MTB Park
Interprovincial	19 October	Harrismith



**GAUTENG SCHOOLS
CYCLING**